



理詠堂集卷之三

目錄

五言律詩

登廣陵城南樓

同余鈍翁夜坐

秋鷹

送杜茶村還白下

同季守重送茶村

崔兔牀同集濟上寓

緯蕭

同前民宿得酒堂

立春日作

礪園先生歸自河北

和濟上高陵

池上

清涼山晚望

亂後過江村

七月十七夜二首

寒食郊行

新月

病起看新綠

雨中泛舟二首


雁來紅

同茶村看菊二首

籠鳥

送史開祉入蜀二首

江上懷余鈍翁



穀雨試茶

移小桃

旅亭春望

早春寓天寧寺二首

老梅

露筋祠

蠟梅二首

昔夢軒獨坐

晚步

野外

同子發過前民郊居

石湖舟泛

虎丘讌集

虎丘慧上人精舍

溪邊

蘇臺春望

首夏山中

初秋過姜勉中葯圃

集姜學在青瑤嶼

雨宿小吳軒

暮歸虎丘

贈愚公

郊園月夜

晤湯惕菴先生四首

酬湯若人見懷四首

蕪城臥病遣意六首

秋夕諸子見過

張斯萬招集南郊

天長道中

積雨懷鮑孟次

穀日飲友人齋中

邗江春漲

避地

南郭草堂

同子發孟次遊北固

京口訪吳子遠三首

簡孟次

又雪

瓜渚泛舟

送子發之山左二首

移居二首

南樓懷武徵左嚴

送汪悔齋太史二首

癸亥除夕

王黃潛給諫過訪

旌德山中遇雪

大雪過新嶺

新安卽目三首

鄭公釣磯

城陽山

同程蝕菴遊華屏

飲石舟上人院

黃山道中二首

初至祥符寺

龍翻石廢菴

文殊院阻雨

香溪送酒

雨霽登仙桃峯

石鼓峯月夜

雲蒸谷

鳴絃泉

水精菴贈休上人

軒皇壇

吳紫涵移樽娑羅園

宿汪栗亭稽古堂

阮溪晚望同栗亭作

同栗亭登紫霞山

石橋訪吳次占

白嶽獨聳峯二首

新安九日

久客

新安至日始聞雁

中阜寺書懷二首

歲除日泊舟牛渚

咏素心蘭

雨中唁宗子發二首

集朱其恭寓園

送呂半隱先生

雙梧館坐雨

平山堂

同周向山納涼

七月十四夜

漫成二首

晚過蒙谷

鳩茲晚眺

客夜

魯明江上四首

江行

閏五日二首

秋梅

小猫

甲戌季冬三首

甲戌除夜

元日到人日七首

北山寺野飲

真州桃花塢二首

江深閣

法螺菴

虎丘玉蘭堂

舟泊虞山

同星菴登虞山

謁言夫子墓

桃源澗

同星菴武林集秦園

冬日沈兆符過訪

初至濟署二首

夜雪

聞說

濟寧秋夜

秋陰

送董子之燕

聞袁浦水溢

夜坐

濟寧除夕

祠夜

風雪飲郊園

巳卯元夕

濟上春望

風雨

移寓

雨中暮歸

廢園

開篋

秋漲

歲暮病起

病起輯亂帙

庚辰元夕憶故園

任城蚤發

還家
孤孫
納涼示昌言廷麟
夏日集十琴堂

野望
送汪研雲歸潛溪
河濱客舍
江上別友

蕪城對雪
九月同前民桐初作
金山妙高臺晚眺
秋夕寄弟

病猿
城烏
秋寺坐雨

客亭聞雁
晚至衢州
激水遇莊山甫
仙霞關

浦城放舟
九日登泉山
對月
筍江晚望

獨遊
泉州開元寺除夕
曉上人院東黃子
石鼓溪田家

溪泛
久不得廣陵消息
清源洞遇雨
泰巖暮歸

彭嶺道中有贈
由浦城至清湖四首
晨鐘
泊鷄巖夜聞瀑布

雲際寺
送宗義六赴選
南歸次召埭
蚤發天寧寺

耳公房元夕
春歸夜
吳門贈朱月思

漂母祠
病起憶湖村
茗溪送方爾止
挽陳林士二首

西泠舟泛
家園示弟
過林士故居二首

吳陵舟中
旅病酬吳萬子

茅齋
淘上夜坐

青陽觀
廣陵秋夕

僕去
艾陵田家

同閑三弟雨宿吳陵
送姪詒歸楚州

夕泛
東淘晚望

愁來
晚至周門

安東田家

河上秋望

淮東旅舍

淮村寄夔石諸兄

射陽附賈客舟南歸

京口阻風

焦山

春夜同諸子探韻

題程蘭穎課耕圖

贈陳鐵山將軍

風雨

送傅岷源司馬北上

清口渡河訪董克緞

將還廣陵

過李虬峯郊居

晚坐

蕪城驟漲

秋思

平山夜月

鷄冠花

秋夜遣意

理詠堂集卷之三

廣陵喬寅東湖著

五言律詩

登廣陵城南樓

雲樹連南紀風濤接北河百年雙眼闊四海一身
多興至還登眺愁來且嘯歌江峯青歷歷他日飽
經過

同余鈍翁夜坐

理詩堂集 卷之三
禪榻清宵永孤燈古屋寒鯨鐘催露白牛鐸動星
闌老眼明何益家山到亦難蕨薇秋欲盡不敢勸
加餐

秋鷹

草白霜風勁蒼鷹六翮成肯教羅網得不與歇
爭俯視寒原小孤鶩俗眼驚乘秋思一擊狐兔正
縱橫

送杜茶村先生還白下

懷人滄海畔悵望涼風生孤棹遠相就高秋君又
行別離荒意緒物色促歸程縹緲江帆影依依向

舊京

同季守重送茶村

落盡江皋葉羈人不可留禁愁頻貰酒愛客更維
舟白雁嘶寒雨黃花香暮秋與君吟眺處從此獨
凭樓

崔兔牀蔣前民同集濟上寺寓

理詩堂集 卷之三
江縣飄零客因君共酒卮留歡愛遙夜惜別是何
時錯迕東南事荒唐海嶽期悲歌還起舞殿角白
河移

緯蕭

緯蕭貧賤士習苦不知勞遠害輕疏爵謀生有素
操江城寒日短茅屋北風高余亦閒營此懷哉心
鬱陶

同前民俗得酒堂

霜風吹短褐寒色動江城不共高齋宿誰聽落葉
聲淒其殘菊艷老矣壯心驚牽拂開佳醞看君緩
緩傾

堅坐竟忘寢寒更聽已三夜長如塞北秋老憶江
南短燭頻教剪深杯不厭貪塵寰多夢寐此意幾
人諳

立春日作

條風回暖律何日到荆扉向夕故人去空林宿鳥

歸亂深居未定客久意多違北望寒雲重春星見
亦稀

礪園先生歸自河北

春雨暗江鄉愁陰接大行驚心烽火急翹首陣雲
長旅食懷吾舅花時到草堂留歡須十日少別已
三霜

和濟上高陵登安江樓

愁人心易愁不上郡南樓攜手聞高詠春風吹白

頭江千山自好河畔草初抽環堵胡爲者幡然憶
遠遊

池上

自是貧交少非關老病侵卑棲送餘日散步豁幽
襟風約浮萍密烟添亂柳深偶然得名酒無夕不
孤斟

清涼山晚望

極目餘陳迹悲秋獨老翁鍾陵殘照外魏闕暮笳

理言堂集 卷之三
四
中曆數王正月規模漢大風誰知亡國恨竟與六朝同

亂後過江村

虎狼星散後江上未招魂浪蹴腥風起山沉殺氣昏
鬼燈依亂草霜月挂空村我友仍飄泊歸來少
葦門

七月十七夜同蒙谷坐西柯桐下玩月

雙桐高百尺涼月出其間桂影何曾減秋宵如此

閒微吟搔白首薄醉發朱顏我欲分靈藥清虛不可攀

君歸及蚤秋玩事與君修爽籟穿林至金波委地流
爲歡今不易得酒復何求引領關山外清輝幾處愁

寒食郊行

春雪偏難霽衝寒始杖藜草穿冰縫出風壓雁行低
壞道殘碑臥荒墳舊鬼啼瘡痍猶未起麥飯有

誰攜

新月

坦步來新月空堦人靜時微茫挂烟樹容易別茅
茨雙杵鳴何急餘霞澹未移誰家樓上女相望學
蛾眉

病起看新綠

沃若高林葉何時滿故枝望中連碧巘深處轉黃
鸝倚檻春將晚長吟日正遲王孫消息斷又過落

花期

雨中泛舟觀漲同靈曦澹山

不覩河淮漲誰知四瀆尊驚風方拍岸驟雨忽翻
盆衣濕魚龍氣帆穿虎豹屯年來腥戰血直欲洗
乾坤

平蕪青到海一夕走驚湍勢挾風雷壯聲喧浦溆
寒物情時反覆人事日艱難述作煩陶謝吾將把
釣竿

雁來紅

爽籟催鴻雁飛鳴向水涯
羈人不願聽秋草最先
知色借朝霞潤光含夕照
宜青霜莫相妬留伴菊
花枝

同茶村前民桐初過省菴先生在園看菊

不負招邀意江天此日晴
寒花矜晚艷亂竹隱秋
聲地接隋宮近人高栗里名
自慙非二仲頻許扣
柴荆

野曠氣初寒庭幽菊未殘
輕香宜靜對疎酌得深
看藝植娛垂老飄零羨考槃
興移歸去晚惆悵事
多端

籠鳥

何處能鳴鳥含愁向曉風
只宜棲碧樹誰遣入雕
籠歲月重檐下山林倦眼中
主人真愛汝應念故
巢空

送史開祉表姪入蜀尋親

理詩堂集 卷之三
奔峭八千里睽離十二年挂帆驚臘盡揮淚歎君
賢萍梗知何處雲濤望眇然臨岐無可贈爲誦白
華篇

爾祖髮垂白蕭然依水村那堪思愛子又復送孤
孫郢樹愁中見巴江夢裏喧相逢悲喜後莫更滯
夔門

江上懷余鈍翁

鈍翁蜀人

林葉飛飛盡霜空瑟瑟寒江光搖石壁馬跡亂沙

瀾東逝滄洲近西歸蜀道難依然波上月不似舊
時看

穀雨試茶

冰芽江上至榆莢雨初晴春暮添閒課甌香解宿
醒頻看松火活旋汲石泉清舉世方珍酪將無笑
此僮

移小桃

嫩葉抽微綠卑枝綴小紅猶含昨夜雨未逐五更

風華髮傷春暮仙源無路通還將溪上艷移向短垣東

旅亭春望

遲日生鄉思春風吹客衣偶來高處望還似夢中歸殘雪猶棲畝新潮欲上磯家家雙燕子各繞故巢飛

早春寓天寧僧舍

舉趾行無地拋書晝欲眠青春何用好明月不須

圓袞袞逢山鬼荒荒問梵天人言那可信悵望又經年

短褐不掩骭心輕公與侯負暄依佛日遠跡遯糟丘空枉高軒顧難爲豎子謀懷中有明月肯以暗相投

老梅

根盤危石底枝亞短垣邊屈抑偏多壽蕭疎不記年古香風細細瘦影月娟娟縱使羣芳妬開還讓

爾先

露筋祠

南湖有貞女千載繫人思
灌木烏啼處春帆客到時
亂離多白鳥巾幘見男兒
夜夜嬋娟月長懸烟水湄

蠟梅二首

迥異孤山族寒香最可親
亭亭開雨雪脉脉接冬春
呵凍題新句巡檐憶故人
柴門娛歲晚不獨倚

松筠

獨殿黃花後偏宜雪徑中
迹應疎熱客開不借春風
殘臘惟君共羣芳過眼空
紛紛紅紫隊標格厭雷同

昔夢軒獨坐

接葉藏高閣分江入素瓷
良朋虛夙諾明月果前期
養拙玄理忘言愛楚詞
春來無限意惟有杜鵑知

晚步

信步上修坂繁雲吐夕暉澄潭魚不澁淺草獸初肥
丘壑遺民盡林皋舊業非餘生任疎放獨往每忘歸

野外

茅亭看夕陽五月麥風涼野外無他事人間有底忙
枯榮齊得喪潛躍信行藏細草露微潤晴開也自香

同子發過前民郊居

思君不暇嬾攜手到東灘掃徑方移席閒吟共倚欄
林香風滿把江色荻千竿最是秋宵好徘徊欲別難

石湖舟泛

酒城傍越來茶磨接郊臺一塔先迎棹千村正落梅
綺羅乘月至簫鼓賽神迴肯信霞關北愁雲暗不開

理言堂集 卷之三
虎丘讌集同孫止瀾太史孫樹百給諫

高塔夕陽懸笙歌引畫船春光留石上花氣到燈
前勝事還如此歡場獨惘然向來觴咏處芳草自
芊芊

虎丘慧上人精舍

徐步幽林外還過惠遠房高窗橫塔影曲磴染衣
香二月春風麗千年伯業荒日斜游女散默坐見
山光

溪邊

我愛垂綸客停橈傍釣磯春山相向綠溪鷺一行
飛轉覺愁無際誰能遯獨肥因人真碌碌未得製
荷衣

蘇臺春望

桑苧探林屋龍威入洞庭我來空徙倚春日歎飄
零柳色侵衣重山光插水青雙雙烟際鳥隨意過
前汀

首夏山中

客散斜陽在探幽小徑通
麥涼浮隴上山翠落波
中佳境真難別殘樽尚未空
眼看花事好強半已
從風

初秋過姜勉中葯圃同余生
生梅聖占余不

遠吳園次徐松之劉雪舫
即席分韻

移席俯清泉荷香到酒邊
重過元亮宅猶是義熙
年石靜生秋氣林幽散
暝烟深杯論往事歡極忽

潜然雪舫述
舊京事

集姜學在青瑤嶼

數椽依水石塵念此中消
嘉遯能無悶良朋屢見
招斷雲橫故國老樹識前
朝倚醉凭軒望秋山歸
路遙

雨宿小吳軒

頻過溪上寺無復世間情
酒醒東峯曙松寮聞雨
聲倦游諳薄俗多病識浮
生深悔從前誤耽詩亦

近名

暮歸虎丘

眇眇林塘路沉沉欲二更柳邊雙鷺宿月上一舟
行山靜聞天籟宵深隔世情老僧清梵罷相待倚
柴荆

贈愚公

方外無塵事如何鬢亦斑一瓢依樹下老眼看人
間浩劫自多故勞生終不閒慚師悲憫意空手別

名山

郊園月夜

涼宵清興發重欵竹間扉野月秋如許溪橋客已
稀闖萍魚或躍擇木鳥還飛嘯詠無拘束何妨達
曙歸

己未仲夏晤湯惕菴先生于邗上

憶昔庚辰歲曾隨竹馬迎至今邗上水猶比使君
清望望盱江遠依依棠樹榮誰知垂老日復此聽

車聲

湖海留耆舊，衡茅接典型。曩瞻千仞鳳，今見少微星。
憂世心偏切，憐才眼倍青。獨慙虛北道，故里歎飄零。

公子東游日，相逢茗雪間。論心悲異代，懷舊仰高山。
白下乘秋至，江干御李還。別離猶旦暮，秣覺鬢

毛斑

甲辰夏晤若人於茗上
巳酉秋遇先生于金陵

喪亂音書阻，重來慰所思。五年豺虎窟，千里甲兵

時春雨生腥，草風林嘯餓。鴟經過傷老眼，欲問恐
淒其

酬湯若人見懷

異地同飄泊，相逢非偶然。蒹葭江路永，烽火歲時
遷。各有傷懷處，祗徇落照前。向來蒙泛愛，交勉在
貞堅

十載棲岩谷，知君道力深。博搜瀛海勝

若人方
選詩存密

証古賢，心愧我嬰多。故懷人但苦吟，蹉跎無一得

疎懶到於今

殺氣屯南極薰風冷葦門愁聞江上笛遠跡海邊
村鬱鬱將何往悠悠孰與論閒梳零落羽見爾欲
飛翻

羣盜爭雄長方隅事已非眼穿仍雪窖地遠亦金
微讀易堪娛老餐霞可療饑南州有高士攜手許
同歸

蕪城臥病遣意

蕪城余故里也自己亥移家易山去此蓋
二十有一年矣時一至焉則客也今年客
此最久秋復病瘧伏枕支離意有所觸聊
以排悶云爾

倦枕聽寒漏沈吟秋夜長愁人無倚著山鬼故炎
涼不爽燈前約虛傳肘後方有誰相問訊井里是
他鄉

淮海頻昏墊田廬飽灌輸那知三伏旱遂見百川
枯狐兔屯荒野蓬蒿塞畏途東南一都會凋瘵幾
時蘇

長鯨翻地軸早魃守江關歷歷憂方大行行去轉
艱歲凶無樂土海闊有神山安得天風便移家縹
緲間

江雨驅殘暑江風生暮寒正愁茅屋漏已覺葛衣
單短榻移庭側孤燈照夜闌州東三百里歸夢亦
艱難

畦丁供菜甲游子感蕭辰信有還家日猶爲失路
人關山思老驥裘馬避懸鶉寄語鴻都客虞卿不

厭貧

扶杖看藜菊園荒徑草深琴樽他日事藥餌此時
心天際來新雁風前聞遠砧穰衣難久立秋氣正
蕭森

秋夕諸子見過

返照延荒徑深杯送此宵寒花香細細霜葉影蕭
蕭病起江天闊秋高殺氣遙拓窗頻擊節有客話
嫖姚

張斯萬招集南郊

病起宜秋眺良朋適見招便攜輕策往未覺出城
遙鷗影翻寒渚林陰接斷橋惱人風漸急不得蕩
雙橈

天長道中

足繭行難進霜風吹落暉自從失慈母不忍補寒
衣有淚此時盡無家何處歸逢人話鄉井轉覺寸
心違

積雨懷鮑孟次久客薊門

冷雨連昏日驚心歲序闌千愁來几上百遍望林
端劍漉蛟龍臥杯空鸚鵡寒此時思鮑子索米向
長安

穀日飲友人齋中

冰天春不暖穀日有繁霜愛汝庭除靜微聞麩蘖
香陶陶聊復爾耿耿却難忘中澤多鴻雁何年返
故鄉

邦江春漲同園次諸子分韻

宿雨朝來霽春流百派喧奔騰匯揚子浩渺接淮
源岸柳搖新影汀沙沒舊痕醉歸乘小艇容易傍
柴門

避地

避地安新懦憂時悔舊愚好音何寂寞斯道日榛
蕪風俗方憎老衣冠亦賤儒久要惟釣侶泛宅在
菰蒲

南郭草堂

出郭無多路愁懷頓覺空曉山平楚外春宅柳花
中沽酒呼鄰叟烹葵試短童遙看帆影亂江上有
飄風

同宗子發鮑孟次遊北固山

髻齒曾遊處衰年始再過江山自無恙身世竟如
何破寺殘碑少荒灘戰馬多漁舟還泛泛日夜飽
風波

理詩堂集 卷之三
六
挿水雲峯峻盤空梵刹高江天延暮景嘯詠有吾
曹懷舊看題壁追涼解縵袍孫劉不可見悵望此
林皋

京口訪吳子遠

聞君薊門去長揖見王侯豈賣韓康藥須迴夏統
舟飄零人共棄溫飽爾何求明月揚州夜相思獨
倚樓

憶客雲岩寺經年宿上方看山晴蠟屐聽雨夜連
牀別後吳門冷歸來蔣徑荒塵寰不可住欲往失
舟航

近傳江上信卜築在南徐破浪穿軍壘侵星到草
廬心閒多故後性證未生初便恐乘雲去良朋跡
也疎

簡孟次書思

晨夕疲奔走侯王夢亦無形容就衰謝松菊任荒
蕪嘗恐高人笑深悲清夜徂悽悽失羣鳥求侶更

長呼

又雪

墻陰凝積素薄暮復漫漫豈慰三農望偏增白屋

寒兔園誰授簡竹塢獨凭欄辛苦馳驅客前途歲

已闌 時開三舍弟
計偕北上

瓜渚泛舟

建業羣峰外南徐一葦前暮鴉翻落照春水浸遙

天老至思高臥途窮逐少年忍聽絲與竹嗚咽共

潺湲

送子發之山左

未遂買山志聊為北道行春帆衝雨發野鶴向人

鳴暖眼如君少高文此日輕果能營五畝蚤晚返

柴荆

此去應登岱兼之謁聖林遼哉千里目仰止百年

心縫掖今何似江河逝不禁向來懷古意為我一

長吟

移居

一室纔容膝三遷豈卜鄰年侵無遠慮地僻有餘
春曲巷聞鶯囀空堦見月新誰來數晨夕遲爾素
心人

飄泊東南後歸來已四年方將混瑕垢不暇愛林
泉河渚身難往桃源思渺然且攜舊書籍位置北
窗前

南樓懷武徵左嚴

綠酒無君共南樓亦嬾登江光依舊好秋氣向來
澄菊待陶元亮尊思張季鷹幾時聯袂至北望意
飛騰

送汪悔齋太史奉使琉球

中朝將雨露南斗引帆檣澤沛蠻夷長春生蜃蛤
鄉乘風酬壯志特簡出巖廊萬里扶桑外遙瞻使
節光

七日西風便高華入望青王程通弁服津吏指雙

星鵬際雲濤壯鼇邊島嶼腥到時尋故事聞有却

金亭

夏桂洲奉使琉球却金不受國人爲建此亭

癸亥除夕

不盡愁中歲何妨此夕除眼穿三紀後春轉上元
初隱几聽殘漏呼兒掃敝廬所思如復覩白髮尚
堪梳

王黃潛給諫典試北旋過訪

司諫登黃閣掄才出紫宸秋山迎去舫遲日送歸

輪海嶠文風變衡茅士氣伸相思遙引領數問渡
江人

嶺表雙星動江皋遠夢通每懷依大雅今始見宗
工敢側名賢後何來陋巷中凡材沾一顧未必馬
羣空

旌德山中遇雪

二月春過半餘寒尚作威驚風撼絕壁密雪打征
衣正惜桃花落翻疑柳絮飛前村投宿處烟火望

中微

大雪過新嶺

停車依峻嶺蠟屐理孤筇已畏春泥滑偏遭雪霰
封微茫通一徑指顧失千峰歎息勞生者艱危處
處逢

新安卽日同萬允誠李松嵐作

一徑沿溪入盤紆蘚磴斜偶來尋故舊所得是烟
霞林隱金鷄石岩繁謝豹花老僧如素識相引到

山家

浩渺揚之水奔騰會練溪派分新嶺北流向浙江

西紅鶴窺魚立青蒲點石齊尋源君有意藜杖可

同攜

揚之水新安水名

奇峯霞外出不問是黃山百里終須到三春况復
閒飽聞奔峭處時接夢魂間已辨雙芒屨如何緣

尚慳

鄭公釣磯

在岑山下鄭師山嘗隱此

理言堂集 卷之三
鄭公棲隱處遺跡有漁磯異代何人在春風燕子
飛溪光明小艇石氣冷征衣不少垂綸地如君高
蹈稀

城陽山尋許宣平隱處

山有石壇丹井生翼魚四足而蒼仙翁嘗
賣薪沽酒吟詠其中李白訪之不見

宣平不可見游子尚徘徊丹井留青嶂蒼鱗躡紫
苔吟詩無客和沽酒有誰來借問雲深處桃花開
未開

同程蝕菴遊華屏遇畢楚鶴吳綺園汪文旋
集寶相寺拙石上人房

聞說華屏勝攜筇今始過香林連竹塢珠閣隱巖
阿逸興因君發同人于野多相逢纔一笑把臂醉
烟羅

改席依松影揮杯岸葛巾欲棲清絕地未許浪遊
身意外成高會愁中見故人憑將幾兩屐吟望送
殘春

同山尊敷公飲披雲峯下石舟上人院
精藍依翠壁酒坐藉苔衣共惜春將暮無如醉不
歸細泉穿石冷新笋出林肥欲別還停策山花已
亂飛

黃山道中

靄靄烟林外行行春夏交奔蜂勤課蜜倦鳥嬾營
巢崖谷隨溪轉柴荆帶雨敲揚干連上社處處有
香茅

漸近靈泉院高峯已不羣那知三海路尚隔萬重
雲小市香新茗長橋隱暮曛采山人未返呼嘯出
林聞

同萬允誠李松嵐初至祥符寺呈江允凝

返照開松徑飛泉灑石門谷量雲不盡砂伏水常
溫采藥從吾好攜筇就爾論相思三十載今始到

仙源

龍翻石廢菴

老人峯側

理詩堂集 卷之三
老人相望處不復見香林石激水聲怒岩藏花氣
深欲留愁日暮小立愛松陰寥落登峯客誰來更
布金

文殊院阻雨

捫蘿穿石罅壁立絕攀緣已踏青冥上翻宜白日
眠風雷聲不斷雲海望無邊珍怪人多秘山靈想
亦然

香溪送酒

山寺雲開後仙源人到時石穿雙不借杖挈一鴟
夷敲火松風細傳杯野鳥窺醉吟還隱几香動海

棠枝

時山海
棠盛開

雨霽登仙桃峯

朝暉散積陰策杖果幽尋始覺崖巒潤方知風雨
心殘雲縈石筍飛瀑出花林咫尺丹臺路時聞谷

鳥吟

石鼓峯月夜

夜深仍不寐圓月正當空崖半寒雲下人間春夢
中近天沾桂露拂石灑松風他夕遙相望應難與
此同

雲蒸谷

入谷窺丹井雲開見石舟何人藏巨壑終古漾寒
流砂礫青霞爛松杉翠靄浮此身同不繫隨意得
淹留

鳴絃泉

旁有醉石

軒后鈞天奏遺音不可聞猶餘一片水搖曳響寒
雲蘿徑何年闢仙源此路分興移欹醉石呼酒正
逢君

水精菴贈休上人

遠聞豫章客一衲老孤岑遯世翻求友安禪不廢
吟籬荒通虎穴垣短接松陰別路寒雲重攜樽何
處尋

軒皇壇

旁有曹阮二溪相傳軒皇時曹
公阮公遺蹟山有日泉月泉

石上莓苔色青含太古烟百靈隨帝往二老藉溪
傳草沒龍蛇路沙封日月泉微臣饑欲死不願學
長年

吳紫涵移樽娑羅園同蝕菴松嵐綺園東巖
殘暑午猶酷涼生風雨過清渠帶荷芰高閣擁娑
羅泥飲愁中得秋懷醉後多張燈頻洗盞不問夜
如何

宿汪栗亭稽古堂

梧竹環高館時聞風雨聲中宵殘夢醒斜月半窗
明世事貧難問秋心感易生君歸慰離索溪上有
將迎

阮溪晚望同栗亭作

晚步聞寒水潺潺亂石間松陰留古月仙跡滿空
山信有君同癖其如身不閒相過纔一宿又欲向
吳關

同栗亭登紫霞山

紫霞茶最佳栗亭家
於山下時歸自廣陵

藉甚因佳茗乘秋共一登松嵐晴冉冉石壁曉稜
稜植杖君初返觀濤僕未能昨宵商去住愁對榻
前燈

石橋訪吳次卣

金竺耽高臥豐溪靜掩關披帷驚我至把卷羨君
閒灌木陰相接啼鶯去復還蕭然塵念盡何必遠
人間

白嶽獨聳峯和公精舍

精廬藏石腹絕壁倚雲端直上輕千仞迴看已萬
盤林香凍雨至虎嘯亂峯寒凭眺傷遲暮躋攀欲
通難

茶罷閒揮麈高窗進晚風溪行青嶂外僧老白雲
中證性無來去看山有異同故園一千里北望雨
冥濛

新安九日

撥悶非無酒登高不當歸黃花秋寂寂白髮日輝

輝策杖尋山嬾投林美鳥飛浮雲多變態蚤已寸
心違

久客

始願今何有清秋倏已殘
毳巾分老宿菜把累園
官歲儉鄉思切山高客路寒
只應將小艇東下子
陵灘

新安至日始聞雁

荒寺淹殘客燈前補舊衣
不知冬欲暮只訝雁初

飛孤影方南去何時始北歸
失羣無限恨復恐稍
梁稀

念爾隨陽鳥哀鳴巖際過
似傳鄉信苦無奈旅愁
多水遠思菰米山寒畏網羅
江湖零落羽到此意
如何

中阜寺書懷

欲踐梅溪約無如始願違
不愁衝雨去翻畏逼年
歸長路難停策精廬且掩扉
方思課僮僕共采雪

中薇

日隱羣峯偏天寒野寺孤蕭蕭風落木耿耿夜啼
鳥心懶閒書帙囊空謝酒徒故人方佐郡不是在
窮途

歲除日泊舟牛渚冒雪登山

水村分歲日風雪落帆時僕病愁相對舟孤晚更
移江豚吹駭浪山鬼嘯荒祠此際誰同賞窮冬景
自奇

